



Faatāuaina o le galuega fa'afaiaoga — su'esuega tuto'atasi

O le faamoemoe ia malamalama ai matua poo latou o gafa ma le tausia o fanau i le suesuega a Gallop

O le suesuega muamua e faatatau i galuega fai a faiaoga mo aoga i le mamalu lautele i NSW talu mai le tausaga e 2004 lea faatoa oo mai le lipoti mulimuli. O le suesuega sa taitaia e lē sa avea ma premier o Ausetalia i Sisifo (WA Premier Dr Geoff Gallop). O loo iai ni fautuaga mo le aga'i luma mo suiga tetele e faasaga i totogi ma tulaga faigaluega a faiaoga.

Sa taua e lea lipoti le tāua o ia suiga vavave e fō'ia ai le lē lava o faiaoga, le faaleleia atili o le a'oa'oina o le fanau faapea ma ia lava totoe ni faiaoga e faafetaui i le alualu i luma o le toatele o le fanau lea ua lesitala poo ua ulufale i totonu o aoga a le malo.

E Fa Faaiuga tāua:

- 1. O le filigā ma le naunauta'i o faiaoga e tumau pea le maualuga ae peitai o le tele o galuega ua lemafai ona tausisia.** Ua tele le suiga o galuega o faiaoga ona o le tele o fesuia'iga o aia'iga poo tulafono faasaga i galuega fa'afaiaoga, le televave o le alu o tekonoosi, suiga o polokalame o a'oaoga faapea ma suiga o manaoga poo faamoemoega o fanau aoga. Ua tele galuega a faiaoga e fai fafo atu ma potu aoga, e aofia ai le tusia o faamaumauga, ma le tusiga o lipoti ma galuega fa'afaiaoga. E tele ina ova atu ma le 55 itula i le vaiaso e faigaluega ai faiaoga.
- 2. O totogi o faiaoga ua maualalo tele pe a fua atu i isi galuega.** O galuega a faiaoga ua alualu i luga le faigata ae ua le fetau le totogi e maua. Ua matuā maualalo tele pe a faatusa ma isi galuega i le lautele. O le ala lea ua lai ona faigata ona tosina mai faiaoga lelei, ma umi le latou tautua fa'afaiaoga, faapea le faigata ona fa'alata mai o tagata atamamai poo latou ua maualuga latou faailoga i totonu o galuega faafaiaoga.
- 3. O le a alu i luga le fuainumera le fanau aoga i totonu o NSW ma ua tatau ona vave foia le lē lava o faiaoga.** Sa taua mai lea suesuega o le lē lava o faiaoga o se faafitauli mo le lautele o NSW ma ua tatau ona faia vave iai se fuafuaga ae lei lesitala pe ulufale mai – 200,000 fanau aoga – o se vaaiga i luma lea mo leisi 20 tausaga.
- 4. E manaomia e faiaoga le tele o taimi e galulue e fetufaa'i ai ma isi, ma tapenapena.** O taimi o faiaoga i tua atu o potu-aoga e lei iai se suiga tele mai le 1950 mo faiaoga i aoga maualuga faapea ma faiaoga o aoga tulagalua mai le 1980. Ua iloa mai le suesuega e manaomia e faiaoga ia lava se taimi e tapena ai ma fetufaa'i ai ma isi faiaoga, aemaise lava ona ua alu a'e i luga le fuainumera o fanau aoga o loo manaomia nisi fesoasoani faapitoa tau a'oaoga poo nisi mataupu tāua.

Fautuaga mo suiga

Faateleina le taimi e tapena ai faiaoga. O le tele o itula i tua atu o potu-aoga e tatau ona faatele atu mai le lua i le fa itula i le vaiaso mo aoga tulaga lua, ae tatau ona faaititia i le lua itula e faafesagai ai le aoaoina mo faiaoga i aoga maualuluga. O le taimi lea e tatau ona fa'aogaina i suiga, tapenaina o lesona ma fetufaa'i ai.

Toe sui le faiga o totogi. Ia si'i totogi mai le va o le 10 ma 15 pasene i le 2022 ma le 2023 e amanaia ai le fa'ateleina o le tomai o faiaoga ma latou tiute fai, e fesoasoani ai foi i le lē lava o faiaoga ma tosina ai ma isi faiaoga e manaomia aua le alu i luga o le fuainumera o fanau aoga o le a ulufale mai i aso oi luma.

Ia siitia le aofai o le aufaufautua i aoga (Counsellors). Ia sii i luga le numera o le aufaufautua ina ia faaititia ai taimi e faatali ai ma ia vave maua se fesoasoani o fanau aoga o loo mafatia fa'afitauli o le mafaufau. E tatau ona oo le tausaga 2023 ua tasi le faufautua e vaaia tamaiti aoga e 500.

Faaleleia tulaga o le aufaigaluega. E tatau ona si'i i luga le numera o faiaoga tumau ina ia foia ai le lē lava o faiaoga e faigaluega fa'avaitaimi. O le soona fa'aaoga o faiaoga fa'avaitaimi ua tatau ona fai iai se faaiuga. Auaunaga fesoasoani sa fai e le Matagaluega o Aoga e pei o le faatinoina o polokalame a'oaoga, soifua maloloina ma le saogalemu a le fanau ua tatau ona toe fa'aaau.

Faamoemoega mo Faiaoga. E tāua le faatinoina o fautuaga ia mai le suesuega lea ona e faaleleia atili ai a'oaoga totonu o aoga a le malo a NSW. O le a faapea foi ona tosina mai ai le to'atele i le galuega fa'afaiaoga ma fa'alata mai ai faiaoga atamamai ma le agavaa ia tautua ai i se taimi umi totonu o aoga. E faafetaui ai foi ma le alu i luga o le numera a le fanau aoga ua ulufale i totonu o aoga o le malo nei tausaga ma aso oi luma.

O nei suiga e tāua mo le fanau faapea le atunu'u atoa aua se lumana'i manuia

Mo nisi faamatalaga e uiga i le suesuega lea, pe fia maua foi se kopi a le suesuega, e maua i le nswtf.org.au/inquiry. E mafai foi ona e lesitala i le nswtf.org.au/forms/parents-citizens-contact e maua ai tala fou i mataupu taua i le aoaoina o lou alo.

Mo nisi faamatalaga asiasi ane i le nswtf.org.au/inquiry